

Kangiqhidjutikhat

Niaquqmi Kumait

Hunat niaquqmi kumait?

Niaquqmi kumait mikiyut kummat niaquqmi uvinirmi itpaktut, itqiliuqhutik kumakhanik. Niaquqmi kumait hiamitiyuittut aanniarunmik. Niaquqmi kumakakniq tukihidjikutigingitaa taimaa halumangittutit.

Qanuqtut niaquqmi kumait hiamitpakpat?

Niaquqmi kumait hiamihakpaktut, inuit hanianiitpakhimaviinni. Takunnaqtut nutaqqani iliharvikmi nutaqqiqivikmilu. Niaquqmi kumakangniq atauhiqmik ikayuutigilimaitat kumaniffaaqnrmut.

Niaquqmi kumait hiamitpakpat kakhakkaangata nuyatigut atuqtunulluunniit nahanic, illaiyautit atuqtuuyaktunut hiutirmi nivyaarutinullu. Niaquqmi kumait kikiktayuitut tingmilutikluunniit, qilamiklu ingutaayuittut. Niaquqmi kumait inungniitpaktut nayuyuitait pamirhimayut huradja, qinmitut cat-nguyullu.

Hunat aanniarutait niaquqmi kumait?

Ilangit inuit niaquqmi kumalgit aanniarutaitut itpaktut. Ilangit aanniarutigivagait:

- Kukuinnaqtuq niaquq;
- Mihingnaqtuq niaquqmi ingutaaqtut hunavalungmik nuyami;
- Nunnguungayuq hinilimaiqhuniklu; unalu
- Kilaaqniit niaquqmi kukuknirmut, nakuungiktaqtut.

Qanuq ilihimaniaqqit niqaqni kumanikkuvit?

Niaquqmi kumait mikiyut, takuyaami ayurnaqtut, ingutaaqattaqhutik. Itqiit takunnatqiyayut. Uumayut itqiit taangittut ivitait mikivlutiklu, aktilaanga qilirniat ivalumut. Uumangittut itqiit takunnaqhivaktut atpani nuyami. Itqiit qaglikut ittut, piiyariami ayurnaqtut nipitqaqnarmata.

Naunaiyaklugu inuup niaqua aanniarutiqaqqata niaquqmi kumainut. Hivulliqmik naunaiyaklugu niaquqmi uvinia nuyaqarviani tunuani qunguhiani tunuanilu hiutirngni. Uumayut kumait itqiilluunniit takunnatqiyauunniit tahamani. Tuqliani, quppirlugu nuyak mikiyunut naunaiyaklugu tamaat niaqua nayaqarviani, avatingnuukattarlutit inukkatit atuqlugit kumangnulluunniit illaiyautit. Qaumayumi piyakhat. Kumaitpat itqiitpallu, taimailiuffaaqlutit atauhiq havainiq tikiinmikpat. Naunaiyakattarlugu kumanikpata nutaqqavit iliharviani nutaqqiqiviani, aihimavikmiluunniit inuk kumaqaqqat.

Huna munaridjutikhaa?

Kumailimaittuq munariyaungitpat. Inuit kumaqaqtut uumayunik (ingutaaqtunik) kumangnik itqiniklu angitilaanganik ¼ inch mikitqiyauunniit munariyauyukhat. Inuit tamaita munarilugit ihuatqiyayuuq hiamitirnaittumik.

Aallatqiinik atuqtakhanik piqangittuq munaridjutikhanut kumangnik. Maliktiaklugit pitquyauhimayut. Niaquqmut uakhit irrukhidjutikhaullu nuyamiipkaktailugit pitquhimayait atuqluaqlugit. Irruklugit uarvikmi, timimut uarvikmiungittumut, taimaa aallat ilangit timimi kahaknaittumut kumaiyautainut atuqtainut.

Kumaiyailiruvit, uaklugit tamaita halumaittut aannuraat nuyaqutillu, nahat avatarutillu; qipiit aalligakhat, allarutit, illaiyautit uunaqtumi imakmi. Hunavaluit ualimaittut, akittut uakuallu miqhanut inakhakaktut piuyat, ilinnarialgit angmaumangittumut palaastikmik puumut qulini ubluni qiqumayumiluunniit 48-ni ikaaqni.

Kumanilimaitkutikhaqaqqa?

- Naunaiyaqattaruvit nuyangnik nutaqqavilluunniit ihuatqiyayuuq hiamitirnaittumik. Inuk iglumiutaq niaquqmi kumanikpat, naunaiyaklugit inuit iglumiutaq munarillaqlugillu tahapkuat kumaqaqtut itqinikluunniit.
- Puiguktaililugit inuit aallat piinik atuqungillugit nahatut, nunakkuurutinut nahat aannilaitkutit, avatarutit, illaiyautit, nuyaqutit, angitqiyat illaiyautit atuqtuuyaktunut hiutirmi nivyaarutinullu.
- Nutaqqat niaquqmi kumalgit qilamik aipkaktakhaungittut iliharvikmit; aittaaqtut ilihanaqqat, munariyaulutik, utiffaaqlutik iliharvikmut kumangnut munariyauliqqata.
- Niaquqmi kumait uumakhaalimaittut piiktaugumik niaquqmit. Niaquqmi kumait ihurutaalimaittut aallanut kahakhimagumik iglumi tamayanut, pamikhianut huradjanut natiup qallinianulluunniit halummaqhillaungaittuq iglumi akhaluunmiluunniit.